

Ի ԳԻՏՈՒԹԻՒՆ «ԱՐԱՐԱՏ»Ի ԲԱԺԱՆՈՐԴՆԵՐԻ

Պէտք է յայտնի լինի մեր յարգելի բաժանորդներին, որ գլխաւոր կենդրոնական քաղաքներում անգամ ներկայումս թղթի մեծ պակասութիւն է զգացւում և եղած թղթերի արժէքը կրկնապատկուել և եռապատկուել է: Մայր Աթոռի տպարանում այս աարի առաւել ևս զգալի դարձաւ թղթի կարիքը արժէքի և ապրանքների տեղափոխութիւնը մեծ գծուարութիւնների հետ կապուած լինելու պատճառով:

Այս բոլոր գծուարութիւնների վրայ աւելացաւ նաև գրաշարի պակասութիւնը, քանի որ անցած յուլիս, օգոստոս և սեպտեմբեր ամիսներում Մ. Աթոռի տպարանում համարեա գործերը կանգ էին առել՝ գաղթականական մեծ հոսանքի և տարածուած տարափոխիկ հիւանդութիւնների պատճառով, որովհետև գրաշարներն էլ հիւանդացել էին:

Ահա վերոյիշեալ հիմունքներով հնարաւոր չեղաւ «Արարատ»ը ամսէ ամիս կանոնաւոր կերպով հրատարակել և ստիպուած ենք միացեալ համարներով լոյս ընծայել, որ մինչև տարւոյ վերջը բոլոր համարները լոյս տեսած լինի:

Վերջին համարների ծաւալը թղթի պակասութեան պատճառով ստիպուած եղանք փոքրացնել, կրճատելով որոշ բաժինների յօդուածները:

Խմբագրութիւն «Արարատ»ի

